

Ezkontzen kopuruak %5,9 egin zuen behera 2013an lehengo urtearen aldean

Azken 25 urteetan, emaztegaiei batez besteko adina 7,8 urtez igo da; senargaiena 7,4z


2013an Euskal AEko biztanleen artean 7.801 ezkontza egin ziren, aurreko urtean baino %5,9 gutxiago; horietako 126 bikote homosexualen artean, Eustaten datuen arabera.

Ezkontza heterosexualak, 7.675, aurreko urtean baino 470 gutxiago (%-5,8).

Euskal AEko ezkontza-tasa (mila biztanleko 3,3), ia Espainiako berbera (%03,32) da, baina Europar Batasunekoarenaren (mila biztanleko 4,8 2008an) azpitik dago.

Ezkontzeko adinak gora egin du, amatasuna atzeratzen zelarik. 2013an ezkondu ziren gizonezko ezkongabeen batez besteko adina, 35,5 urte; emakumezko ezkongabeena, 33,6. Azken 25 urteetan, emaztegaiei batez besteko adina 7,8 urtez igo da; senargaiena 7,4z.

1. grafikoa: lehen ezkontzako adina, sexuaren arabera



Iturria: Eustat. Euskal AEko ezkontzen estatistika

Ezkondu aurretik ezkontideek zuten egoera zibilari dagokionez, aurreneko ezkontza izan zen gizoneen %88,3rentzat eta emakumeen %88,9rentzat.

Ekainean izan ziren ezkontzarik gehien, 1.231; irailean 1.183; uztailan, 1.128; jenderik gehien udazalea ezkontzeko Ezkontzen %50, larunbatean; %37, ostiralean.

Ezkontza zibilen proportzioa hirukoiztu egin da 1990etik


Azken urteetan gora egin du ezkontza zibilen kopuruak: 1990ean %23; %75 (5.760) 2013an. Ezkontza katolikoak 1.900; beste sinesmenetakoak, 15.

Ezkontza zibilik gehien Gipuzkoan, %77,7; Bizkaian %76,7; Araban %72,4. Euskal AEtik kanpo ezkondu diren egoiliarren artean, %61,1.

Ezkondu berrien erdia ia elkarrekin bizi ziren aurretik

Ezkondu aurretik, bikoteen %49k bizileku bera zuten; 2011ko portzentaje bera da. 1996an bikoteen %19k (minimoa) zuen bizileku bera. 2007an %59 (maximoa).

2. grafikoa: ezkondu aurretik batera bizi diren bikoteak (%)



Iturria: Eustat. Euskal AEtik ezkontzen estatistika

Ezkondu eta Euskal AEtik kanpo bizitzera joan zirenek (466 bikote) batez ere Madrilera, Kantabriara eta Nafarroara jo zuten. Helburuari dagokionez, aldeak badira, hiru herrialdeetan egindako ezkontzen artean: Arabakoak, batez ere, Madril, Burgos eta Errioxara joan ziren; Bizkaikoak Madril, Kantabria eta Bartzelonara; Gipuzkoakoak Madril, Nafarroa eta Frantziara.

%14tan ezkontideetako bat, gutxienez, atzerritarra zen

1.071 ezkontzatan (%14) ezkontideetako bat bederen atzerritarra zen. Ezkontza hauen %48,3tan emaztea zen atzerritarra; %27,7tan senarra; %24tan biak.

Emazteen sorterriak: Kolonbia (95), Bolivia (67), Brasil (62), Ekuador (39), Nikaragua (39), Maroko (35). Senarrenak: Maroko (81), Kolonbia (61), Bolivia (34), Aljeria (27), Ekuador (24), Portugal (22).

Ezkontza homosexualen kopurua %14,9 jaitsi da aurreko urtearen aldean

2013an 126 ezkontza izan ziren; 64 emakumeen artean, 62 gizonen artean. Aurreko urtearen aldean %14,9ko murrizketa. 17 Araban jarri ziren bizitzen, 36 Gipuzkoan, 62 Bizkaian eta 11 Euskal AEtik kanpo.

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.es Tel.: 945 01 75 62

Euskal AEko EZKONTZEN ESTATISTIKARI buruzko prentsa-ohar gehiago

Euskal AEko EZKONTZEN ESTATISTIKARI buruzko datu-bankua